



KENYATAAN MEDIA

UNTUK SIARAN SEGERA

INISIATIF PINJAMAN PTPTN

1. Perbadanan Tabung Pendidikan Tinggi Nasional (PTPTN) merakamkan ucapan penghargaan dan terima kasih kepada YAB Dato' Seri Ismail Sabri bin Yaakob, Perdana Menteri mengenai pengumuman kenaikan jumlah pinjaman PTPTN daripada 75% kepada 100% bagi golongan M40 M1 serta kemudahan pinjaman komputer riba kepada peminjam PTPTN golongan M40.
2. Justeru itu, PTPTN akan memaklumkan kaedah pelaksanaan setelah dimuktamadkan dalam masa terdekat bagi memastikan inisiatif ini dilaksanakan dengan berkesan kepada peminjam PTPTN. Pengumuman ini jelas menunjukkan keprihatinan Kerajaan dalam menjaga kebajikan serta kepentingan mahasiswa Keluarga Malaysia.
3. Sementara itu, bagi pengecualian bayaran balik pinjaman PTPTN kepada semua peminjam yang bergraduat bermula tahun 2019 dengan memperoleh Ijazah Sarjana Muda Kelas Pertama tanpa mengira status ekonomi, bangsa dan agama, peminjam yang layak boleh membuat permohonan mulai 15 September 2022 hingga 31 Disember 2022 secara dalam talian di Portal Rasmi PTPTN (<https://www.ptptn.gov.my/kelaspertamaonline/Utama>). Perkara ini telah diumumkan oleh YAB Dato' Seri Ismail Sabri bin Yaakob, Perdana Menteri sempena Majlis Sambutan Jubli Perak 25 Tahun PTPTN pada 27 Julai 2022 lalu. Peminjam boleh merujuk Portal Rasmi PTPTN untuk sebarang persoalan.

4. PTPTN sebagai agensi di bawah Kementerian Pengajian Tinggi (KPT) berharap agar inisiatif ini dapat menjadi penyuntik semangat dan dorongan kepada semua pelajar untuk belajar bersungguh-sungguh dan mendapat kelulusan yang terbaik dalam pengajian. Untuk maklumat lanjut, peminjam juga boleh menghubungi PTPTN melalui saluran berikut:

- *Careline* PTPTN di 03-2193 3000
(Beroperasi Isnin hingga Jumaat, jam 9.00 pagi hingga 5.00 Petang)
- *Live Chat* di www.ptptn.gov.my
- e-Aduan di <https://eaduan.ptptn.gov.my/>
- Eksekutif Pemasaran PTPTN di <https://www.ptptn.gov.my/hubungi-ptptn>
- Media Sosial Rasmi Perbadanan Tabung Pendidikan Tinggi Nasional

Perbadanan Tabung Pendidikan Tinggi Nasional (PTPTN)
16 September 2022